



Barnaamujka xannaanada- iyo daryeelka

SOMALISKA

Barnaamujka xannaanada- iyo daryeelka waa barnaamuj xirfadeed oo lagu qaadanaayo shahaado xirfadeed.

Barnaamujka xannaanada- iyo daryeelka wuxuu ku habbonyahay qofkii rabo in uu ka shaqeeyo caafimaadka- iyo daryeelka bukaanka, cilmi-nafsiga, daryeelka waayeelka iyo daryeelka dadka lixaadkoodu kala dhantalaanyahay.

Shaqada waxaad bilaabi kartaa toos marka aad waxbarashada dhameysid ama waxaad aadi kartaa jaamacadda xirfadaha, oo waxbarashadaada ku sii wada kartaa. Waxaa kale aad doorankartaa in aad koorsooyin dheeraad ah akhrisatid si aad jaamacadda u aadid.

Fursad takhasusnimo

Barnaamujku jihooyin kala duwan ma laha, laakiin wuxuu ku siinayaa fursad aad ku takhasustid. Waxbarashadu waxay ku siinaysaa fursad aad uga shaqeysid shaqo oo tusaale ahaan ah qeybta dadka cuuryaanka ah, caafimaadka- iyo daryeelka bukaanka, cilmi-nafsiga, daryeelka waayeelka iyo dadka lixaadkoodu kala dhantalaanyahay.

Waxaan baad barnaamujka ku barandoontaa

Waxaad baran doontaa caafimaadka, caafimaad-darrada, cuuryaannimada, daawada, cilmiga rabbaynta iyo waxbaridda, cilmi bulsheedka, cilmi-nafsiga iyo cilmiga xannaanada. Waxaad wax ka barandoontaa dadka baahidooda kala duwan, sidoo kale waxaad fahmi doontaa qiimaha hab nololeedku ay ku leedahay caafimaadka. Waxaad barandoontaa qaabilaada dadka si hab xirfadeed ah.

Barnaamujka waxaa miisaanka la saarayaa su'aalaha la xiriiro deegaanka shaqada si looga hortago dhaawacyada shaqada iyo si loo dhiso caafimaad wanaagsan.

Sidaan buu barnaamijku u diyaarsanyahay

Barnaamijka xirfadeed maadooyinka dugsiga sare oo wadajirka loo leeyahay waa: ingiriis, taariikh, ciyaaraha- iyo caafimaadka, xisaabta, cilmiga sayniska, cilmiga diiniga, cilmiga barashada mujtamaca, iswiidhishka ama iswiidhishka oo luuqadda labaad ah. barnaamijka xirfadeed waxaad akhrisan doontaa maadooyin xirfadeed oo badan, oo loo yaqaano maadooyinka sifooyinka, iyo maadooyinka aad ku soo dhigatay dugsiga aasaasiga ah oo yaraaday.

Maadooyinka sifooyinka wadajirka loo leeyahay ee barnaamijka waa: caafimaad, daawo, bani aadamka, cilmiga cudurrada maskaxda, cilmi-nafsiga, cilmiga barashada mujtamaca, cilmiga rabbaynta iyo waxbaridda oo khaaska ah, iswiidhishka ama iswiidhishka oo luuqadda labaad ah iyo daryeel iyo xannaano.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Iskoolka ka wareyso maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

Habka shaqada

Barnaamujka waxaad ku baran doontaa qabashada shaqooyinka lagaa rabo nololsha shaqada, tusaale ahaan daryeelka gaarka ah, shaqooyinka farsamaha daawooyinka, shaqooyinka guriga iyo shaqooyinka maamulka iyo bulshada. Waxaad ka ambaqaadeysaadhibaatooyin kala duwan oo waaqici ah, oo aad dhibaatooyinkaas la xallineysid dad kale ama keligaa.

Waxaad tababareysaa awoodaada wax bilaabidda iyo wax cusub soo saaridda, sidoo kale waxaad wax dheeraad ah ka baran doontaa habka shirkad gaar kuu ah loo wado. Waxaad baraneysaa wax qorsheynta, gudagelinta iyo xaqiijinta shaqo.

Shaqada dugsiga sare

Dhamaadka barnaamujka xannaanada- iyo daryeelka waxaad suubineysaa shaqada dugsiga sare oo waxaad ku suubineysaa goobta xirfadeed aad dooratay. Markaas waxaad muujineysaa in aad heshay cilmiga loo baahanyahay si loo bilaabo in lagu shaqeysto waxa aad baratay.

Shaqo gacmeed

Qeybab waxbarashada ka mid ah waxaa la dhigan doonaa ugu yaraan 15 isbuuc waxaana lagu dhiganan doonaa hal goob oo shaqo ama goobab badan oo shaqo, waxaana la dhahaa tababarka shaqada (apl). Waana qeyb muhiim ah oo ka mid ah waxbarashada. Apl wuxuu ku siinayaa waayo aragnimo iyo xidhiidhyo oo aad ka faa'iideysan kartid marka aad shaqo raadsaneysid.

Waxbarashada tababartaha

Barnaamujka dhexdiisa waxaa jirto fursad lagu doorto waxbarasho tababarte oo dugsiga sare ah. Taas micnaheedu waa in aad helaysid isku cilmi laakiin ugu yaraan waxbarashadaada barkeed waxaad ku suubineysaa hal meel ama meelo badan oo goob shaqo ah.

Arrin in lagu fikiro u baahan

Haddii aad rabtid u qalmida jaamacadda waxaa muhiim ah in aad qorsheysatid daraasooyinkaada. Doorashada gaarka ah dhexdeeda, iyo ama haddii iskoolku soo bandhigo, si qoto dheer ah in loo dhex galo barnaamujka waxaad dooran kartaa in aad akhrisatid koorsooyinka loo baahanyahay si loo helo u qalmidda jaamacadda oo aasaasi ah. Kuwaasi waa koorso oo iswiidhish ah ama iswiidhish oo luuqadda labaad ah iyo koorso ingiriis ah. Waa ay ficantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadid.

Markasta waxaad xaqq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso bilic ah.